

درسعادته یکی پوسته خانه قارشوسنده
دائرة مخصوصه در
محل اراره:

مستطابق

مسلکمنزه موافق آثار جدیده مع المنوبیه قبول اولنور
درج ایدیلیمین آثار اعاده ارنماز
انظار:

دین، فلسفه، ادبیات، حقوق و علوم دن باحث هفته لق رساله در

مؤسسلری: ابوالعلا زین العابدین - ح. اشرف ادیب

تاریخ تأسیسی:

۱۱ تموز ۳۲۴

درسعادته نسخه سی ۵۰ پاره در

قیریلنه دن مقوا بورو ایله کوندریلیرسه سنوی
۲۰ غروش فضله آلنیر.

درسعادته پوسته ایله کوندریلیرسه ولایات بدلی اخذ اولنور.

سنه لکی القایلنی

درسعادته	۶۵	۳۵
ولایاتده	۹۰	۵۰
ممالک اجنبیهده	۱۰۰	۵۵ غروشدر.

عدد: ۱۰

۳۲۶ شوال ۱ صالی ۱۴ تشرین اول ۳۲۴

برنجی سنه

ولو یا کلیش اولسون - کندیلرینه ارائه طریق ایدمک بر دلیله محتاج اولدیغنی حس ایدیوردی . بوشاشقینلقدن استفاده یولنی آرایان عظمای دینک بر طاقی فرصت شکارانه بر معنله یکی یکی دینار احداث ایتمک ، ابا حیه ، دهریه کبی خراب عالمی منتج مذاهی تلقین و ترویج ایتلکه باشلامشردی .

عالم بداوتده یاشایان ، نسبه متدن صایلمایان جزیره العرب اهالیسنه کلنجه بونلر بر اصلدن منشعب ، بر نسلدن متفرع اولدقلری حالده سائقه جهائله یکدیگرینه خصم جان اولش قبائل مختلفهده انقسام ایتمشردی . جمله سی حییات نفسانییه ، هوسات بهیمییه مغلوب ایدی . هر قبیله نیک بیوک مدار فخر و مباهااتی اقارب و خویشانندن اولان دیگر قبیله ایله جنک ایتک ، قانی دوکک ، قادیلرینی سی ایتک ، ماللرین سلب ایتمکدن باشقه برشی دکل ایدی . حکومت یوق ، شریعت یوق ، احقاق حق ایچون قوتدن دها سالم بر قانون معدت مفقود . اقوام سائره نیک کافه سنه تقدم ایدن ذکای فطری خایق العاده لر یله برابر علم و معرفت ، دین و شریعت نامنه برشی بیلزلردی . ایچلرندن کتابی ویا وحد حقیقی اولانلر یوز بیکده بر درجه سنده اقل قلیل ایدی . ولوغایت عادی اولسون او قومه ، یازمه بیلنلرک مقداری بش اون کشی بی تجاوز ایتموردی . فساد اعتقاد خصوصنده بت پرستلکک او قدر شنیع بر درک سنده ایدیلرکک دقاق صنعتیه بسبتون بیکانه اولان اوقبا اللریله یابوب طایدقلری معبودلر میانده حلوانده صنم یایدقلری ، بوصورت حلوانی ایفای تمبددن صکره قارنلری آجیقنجه طاتلی نیتیه یدکاری اولوردی . فساد اخلاقلری ایسه فساد اعتقادلرندن کرمی قالمزدی . ایلریده عار رذیللرندن ویا خود بار معیشتلرندن قورتولمق ایچون قیزلرینی هنکام طفولیتلرندن دیری دیری کومک مرده بر حرکت صایلمایردی . بر طرفندن ده فحشیات شیئه عفته هیچ بر قدر و قیمت بر اقایه جق درجهده چوغالمشدی ، هر کس هوا و هواسی پشنده قوشار ، حس و ذوقندن باشقه بر معیار فضیلت بیلنلردی . سخا ، وعده وفا ، مهمانپرورلک کبی او قومک مخصوصاتندن اولان بعض فضائله کلنجه بونلر آبا واجدادن دموروث بر طاق محاسن قومیه دن ایکن ینه تکاثر و تفاخر کبی مقاصد ردیته و ذنییه وسیله وآلات اتخاذ ایدلدری ایچون وضع اصلیلرندن کی حسن دلاشوبی محافظه ایدمیرک اخلاق مذمومه جاهلیه درک سنه تنزل ایدیوردی .

کرک مهند اسلامیتده کی وکرک اطرافنده کی اقوام عالمک کافه سنده - بالاده تصویر ایدلرکی وجهله - روابط اجتماعیه کوشه مش ، نظام وانتظامدن اثر قالماش ایکن دین مبین اسلامک اولانجه علویتیه ، اولانجه رونق خروود سوزیله نور افشان تجلی اولمسی خلقه کندیلرندن اشفق بر رب رحیمک لطف عظیم جهانپروری ، الهام معجز حقیقت کستری دکلدرده نهدر ؟

عقیده سنده ، امرنده ، نهینده ، وعدنده ، وعیدنده ، تبشیرنده ، اندازنده ، اخبارنده ، حاصلی هر شیده صادق و مکمل اولان بویله بر دین محکوم نجز اولان بشرک مخترعاندن ، بر انسانک تصنیفاتندن اوله بیلورمی ؟ انصاف ایدم . کم بیلر قاچ یوز عصرلق تلاحق افکار

محصولاتی ، نتایجی بردن اورتهیه صاچان ، حکمای قدیمه وجدیده نیک زبده معلوماتی ذاتلرنده جمع ایدن بو یکر منجی عصر فیلسوفلری نهدن - اسلافک بونجه تجاربیه واقف اولدقلری ، اصلاح عالمه بو قدر اوزندکلری حالده - منسوب اولدقلری اقوامک سیئات اجتماعیه لرینه فعلی و عملی بر چاره مؤثر بولوب تطبیق ایدمیرورلر ؟

حال بوکه شریعت اسلامییه یالکز قوم عربی دکل ، بتون عالمی اصلاح ایتک دعواسیله اورتهیه چیقوب بو دعواسنی علی رؤس الاشهاد اثبات ایتدی ، حالاده ایدیور . علوم صحیحه بودعواسنده الی یوم القیام صادق اوله جغنی ده کوستریور .

بر کره دوشوندم ، امداد الهی ، الهام رحمانی اولماسه ممکنمیدرکک ظلمات جهل و اشراک ایچندن خورشید توحید و عرفان طوغسونده اوظلملری نوردده قلب ایتسون ؟ ممکنمیدرکک چرکابه جهان آلا سیئات ایچندن زلال حسنات نهمان ایتسونده تطهیریتیه موفق اولسون ؟ فیض تأدیب ربانی اولماسه قابیلدرکک ادب و تربیه نامنه برشی بیلیمه جک درجهده دشت پیمایی بداوت اولان بر قوم بر ربع عصر دن آز یر زمان ایچنده سطح غزاده فضائلده ، معالیده ، نظام اجتماعیه کندیسيله هممیار اوله جق متدن بر قوم بوله ماسون ؟ بتون عالم دیانتجه ، علم و معرفتجه ، مدنیتجه ، سیاستجه حال تذبذبه ایکن بر عصر ایچنده نوع بشره مربی اعظم و مجدد نظام بنی آدم کیلسون ؟ بر محشر عقول و قلوبه دوعش اولان عالم انسانیتیه نفخ صور عدل و حقیقت ایدرک اصلا فنا بولمایه جق جهان جهان اولدقجه پایدار و نامدار اوله جق جرائم حیات جاودانی بی حرث و اثبات ایلسون ؟

دینمک دین سماوی ، شرعک شرع الهی اولدیغنی نوع بشرک فاتحه سعادت و اقبال دیکن اولان نزول قرآن عظیم الشانک شب یلدای فترت و شقاوته صبح صادق کبی خاتمه چکدیکنی اکلامق ایچون یالکز بو حقیقت تاریخییه نظر اعمان و عبرتله باقق کافیدر . لکن مدعا منی دها زیاده تنویر ایچون فخر کائنات و اشرف موجودات صلی الله علیه وسلم افندمن حضرتلرینک صورت ظهور و نشأت رسالتپناهیلرینی ده ولو مختصراً اولسون تتبع ایدم .

خطبه لره دأر

بسم الله الرحمن الرحيم

دین مبین اسلام ظهور ایدنجه ، خطبه لره دها زیاده کسب اهمیت ایتدی . شریعت غرای مجدییه ، خطبه لره ، عادت ، اسباب مفاخره ، مودا قبیلندن صایلان ، شانی لایق وجهله طائمنیان خطبه لره اوله بر موقع تعیین ایتدی ، که او موقعه هیچ بروقت کله مشلردی ... ذاتاً دین اسلام ، من طرف الله بتون کائناتک موقعلرینی اراده ، حققرینی تعیین ، وظیفه لرینی تعدیل ایچون وضع اولنمشدی ، اشته بونک ایچون فخر کائنات افندمده « و ما ارسلناک الا رحمة للعالمین » خطابه مظهر اولمشدی . اشته خطبه لره بورچندن مستفید اولدی . حققری ، وظیفه لری ، موقعلری تعیین ایتدی ؛

عجبا نه حکمته مبیندر که جناب الله، جمعه نمازینک انعقادی ایچون خطبه‌ی شرط ایدیور؟ نه مصلحتیه و منفعتیه مبیندر که خطبه ذکر و عبادت اولیور؟..

ایشته شه‌سز خطبه‌نک ده سائر عبادت لرده و سائر مأمور به لرده اولدینی کبی بر حکمت و مصلحتی متضمن اولماسی ضروریدر. بناءً علیه بر حکمت و مصلحتی تعیین ایتلیز، نه‌دن عبارت اولدینی بیللیز.

بو حکمتی، بو مصلحتی، خطبه‌دن نه کبی مقصد لر تعقیب ایدیلدیکنی تحری ایده‌لم. شه‌سزدر، که القای خطبه‌دن مقصد، مشروعیتنده حکمت: «جناب الله جودثنا، ذات پاک خدایه وحدانیت حضرت رسوله رسالت ایله شهادت، عبادی تذکیر و تحذیر، قواعد اسلامیة، امور مهمه‌ی تعلیم و تبلیغ» کبی شیلردن عبارتدر. زیرا رسالتینده افندمزک، خلفای راشدین حضرتانک خطبه‌لری اشبو مواد سروده‌ی حادی بولنیوردی. کتب احادیث و سیرده خطب نبویه و خطب مآثوره تماماً ضبط ایدلمشدر. مراجعت اولندیغنده خطب نبویه‌نک نه کبی مقصدلری الفا ایچون ایراد بیورلدینی میدانه‌چقار، مدعی ده ثابت اولور. رسول اکرم انتدمن حضرتلرینک خطبه قرائت ایتدکلی ائنده بالذات ذات نبولری‌نک و اصحاب کزین حضرتانک اظهار تأثر بیورملری و بکالری، طرف نبویدن ایراد بیوریلان خطبه‌لرک وعظ و نصیحتی، تذکیر و اندازی حاوی اولدیغنه دلالت ایدیور، دکلی؟

شمدیکی زمانغده اولدینی مثلاًو فخر کائنات افندمزک خطبه القا ایدرکن وضعیت مخصوصه‌له‌رق کویا عسکره قوماندا ایدرکبی یوکسک سس ایله افده، «ایها الناس»، «یا ایها الذین آمنوا» کبی حضاره قارشو خطاب، آنلری سکوته و استماعه دعوت بیورملری، ذات نبوی طرفندن خطب عالیدلرنده بر مقصد تعقیب و مهم بر شی القا و تبلیغ بیوردقلرینه پاک واضح، پاک آچیق بر صورتده شهادت ایدیور...

او خطب عالییه، باخصوص حجة الوداعده ایراد بیورلمش خطبه‌لر نه‌عالی فکرلری، نه‌بیوک تعلیمات اسلامیة و تبلیغات مهمه‌ی محتوی در... عصر رسالتده فخر کائنات افندمزک، زمان خلافتده خلفای راشدین حضرتانک خطبه‌لری، هپ او وقتلرده، اوزمانلرده تحدث ایدن وقوعات مهمه حقندده تعلیمات نبویه و اوامر ارشادییه‌ی تضمن ایتسکده ایدی. کتب احادیث و سیری مطالعه ایدرک حضرت پیغمبرک و خلفای راشدین حضرتانک خطبه‌لرینی اوقویوب فهم و ادراک ایدن، «نهج البلاغه» کبی علی کرم الله وجهه حضرتلرینک خطبنی حاوی کتابلردن استفاده ایدن ذات البت، البت بوسوزلری تصدیق ایدر...

خطبه‌لر دین مبین اسلامده هم ذکر، هم نصیحت، هم درس عبرت در. اسمای الهید و صفات سبحانییه اوقومق، یاد ایتک، جناب تعالی بی خطره و آنی تنظیم و تبجیله بادی اولماسی اعتباریه ذکر اولدینی کبی، خطبه‌لر دخی وعظ و نصیحتی، تعلیمات مهمه‌ی حاوی بر درس عمومی اولماسی جهتیله ذکر در، عبادتدر.

قرآنی ملیم ثابت

اسلامیت خطبه‌لره پاک پارلاق بریر کوستردی؛ همان عبادت لر صره‌سنه کچدی؛ خطبه‌لر جمعه‌لرده فرض اولدی؛ نکاح عقدلرنده، مطلقاً اجتماعلرده سنت اولدی. بعدما خطیب خطبه‌سنی تفاخر ایچون دکل، بر مقصد مقدسی ترویج، بروظیفه عینییه ایفا نیت خیریه‌سنه مبنی عبادت اوله‌رق اوقور اولدی. بعدما خطیب خطبه‌سیله نفسنه مخصوص کچوک برشان و شرف قازانق ایچون دکل، بلکه بتون عالم انسانیتک حقیقی اولان شان و شرفلرینی اعلا ایچون چالشور اولدی. بعدما بر بر اسلام خطیبی خطبه‌سنده ابراز ایتدیکی فصاحت و بلاغت مقابلنده آفرینلر، تحسینلر ایله قالمیور ایدی. سرمدی ثوابلره ایرشور اولدی. اعصار جاهلییه‌ده هرکس خطبه سونک و فصاحت و بلاغت ابراز ایتک خصوصنده بیوک برته‌لک کوستریوردی. اوزمانلر بر جیتیه چیقوب قیصه بر نطق ایرادی بیوک بر فضیلت صایلوردی. هرکسده بوکا قارشو بر حس و میل واردی. او انسانلر بیللیورلردی، که جناب الله آنلری دین مبین اسلامه اعداد بیوریوردی. آنلر کندولری دخی بیلدیکی حالده شریعت غرای محمديه‌نک مبشری اوله‌رق یتشیورلردی. اشته او حس و میلی تعقیب ایدرک خطبه القاسنه آیشانلر، بعثت نبویه‌دن سوکره دین مبین اسلامه بیوک خدمت لر ابراز ایتدیلر.

غزوات نبویه، فتوحات اسلامیة تاریخی مطالعه ایدنلره عصر اول وعصر ثانیده خطبه‌لرک القا ایتدیکی تأثیرات ایله وجوده گلش وقوعات سیاسیة خفی دکلددر. عساکر اسلامیة بی اقطار عالمه سوق ایدن، اردلاورلری، او مجاهدلری، کوکله یاناشمش طاغیرک، ساحلی یوق دریالرک و راسنه ایصال ایدن، دینی اعلا، وطنی جایه یولنده اوصاف قلبی اسلام یکیتلرینه اک زور شیلری قولای ایدن شی، خطبه‌لرک تأثیریه قبلرده، کوکلرده جوش ایتش شجاعت، بسالت اولمشدر.

خطبه‌لر، او خطبه‌لر اوائل اسلامده پاک بیوک، پاک عالی افکارک نشرنده اک تأثیرلی، اک نفوذلی وسائطدن صایلوردی. هم‌ده بالفعل بیوک تأثیرلری ده کورلمشدر. آذرب زمان ظرفنده دین مبین اسلامک جزیره العربیه انتشار ایتسنده خطبه‌لرک دخل کلیسی اولمشدر. اوت دین مبین اسلام پاک معقول، پاک بسیط و صاف بر طرزده ظاهر اولدی. مع‌ذلک بونی اهالییه تفهیم ایتک لازمدی. ایشته بو وظیفه‌ی خطبای خطبه‌لریله ایفا ایدرلردی. او خطیلر. او بیوک مسلمانلر خطبه‌لریله اهل ایمانی اعلائی کلمه الله بولنده غیرته، ملت، وطن اوغرنده همت، حقوقی جایه و احکام شرعییه‌ی محافظه امرنده حمت و اجتهاده دعوت ایدرلردی...

خطبه‌لرک حکمت مشرعبتی

دین مبین اسلامک بتون عبادات و عموم احکام شرعیه‌سنده جمیع اقوام و اممک، بالخاصه اهل اسلامک منافع و مصالح مشترکه‌سی مند مجدر. هیچ بر حکم شرعی یوقدر که کندوسنده مسلم، غیر مسلم عبادک مصلحتی دوشونلمسون، هیچ بر عبادت یوقدر که کندوسنده عباد ایچون بر فائده ملحوظ اولماسون.

جناب الله انسانلری جمعه نمازینک انعقادینه شرط اولق اوزره خطبه ایله تکلیف ایدیور. خطبه، بیوک بر ذکر و طاعتدر، عبادتدر.